

Les 12 AFGODSDIENS VERDRAAI DIE WAARHEID VAN GOD MET UITBEELDINGS VAN GOD

Ons het die vorige les afgesluit met die vraag: Hoe kan mense probeer om God só te draai dat Hy sê wat hulle wil hê Hy moet sê?

Kom ons probeer dit verstaan deur die skildery-beeld weer te gebruik. Maar nou vat ons dit verder na 'n kunsuitstalling. Kom ons praat oor kunsuitstallings.

1. Kom ons kyk na God se skeppings-skildery asof dit op 'n kunsuitstalling is

Dit vat 'n skilder jare om sy skilderye te skilder. Dan, as alles klaar is, hou hy sy uitstalling sodat mense sy kunswerk kan geniet en waardeer.

Raai wat gebeur nou op hierdie kunsuitstalling?

Party mense kom daar aan **met groot vertoon en gepronk**. Hulle is snaaks aangetrek, loop snaaks en praat snaaks. Hulle gaan staan voor die skilderye en praat kliphard voor almal wat probeer om die skilderye te geniet, oor hoe goed hulle die skilder ken. Hulle **gee voor** dat hulle die skilder persoonlik ken, somer huisvriende is en mekaar op die voornaam noem. Net daar voor die skildery vertel hulle nou vir almal wie en wat die skilder is, soos **hulle** hom persoonlik ken.

Hulle skilder dus 'n prentjie van die skilder deur hom as hulle persoonlike vriend voor te hou. Hierdie prentjie wat hulle van die skilder voorhou – is 'n uitbeelding van die skilder.

Kyk die verskil:

Die prent wat die skilder maak:

Die skilder wil graag dat mense hom **in sy verwerk sal raaksien en waardeer**

Die prentjie wat “kunskenners” maak:

Die “kunskenners” **gee voor** dat hulle **die skilder self uitbeeld** deur die persoonlike verhouding wat hulle met hom (sê hulle!) sou hê.

Wat is die vangplek?

Die vangplek is dat al **praat** die “kunskeners” oor die skilder en **beeld** hulle met hulle woorde ’n prentjie van die skilder uit – **trek hulle al die aandag van die skilderye af weg, na hulleself toe.**

Hulle wil nie hê mense moet na die skilder se skilderye kyk en hom **daarin** geniet en waardeer nie. Hulle wil hê mense moet al daardie aandag **aan hulle** gee terwyl hulle ’n prentjie van die skilder maak uit hulle persoonlike ervarings en verhoudings met hom.


Net so verdraai mense die waarheid oor God – **hulle gee voor** dat hulle Hom só goed en persoonlik ken, dat hulle só ’n persoonlike verhouding met Hom het, dat hulle van Hom ’n prentjie kan maak.

Kyk hoe beskryf Paulus dit in Rom. 1:20-23:

*“Vir hierdie mense is daar dus geen verontskuldiging nie,²¹ omdat, al weet hulle van God hulle Hom nie as God eer en dank nie. Met hulle **redenasies** bereik hulle niks nie, en deur hulle gebrek aan insig bly hulle in die duister.²² **Hulle gee voor dat hulle verstandig is**, maar hulle is dwaas.²³ In die plek van die heerlijkheid van die onverganklike God stel hulle beelde wat lyk soos ’n verganklike mens of soos voëls of diere of slange.²⁵ Dit is hulle wat die waarheid van God verruil vir die leuen. Hulle dien en vereer die skepsel in plaas van die Skepper, aan wie die lof toekom vir ewig. Amen.”*

Mense wat voorgee dat hulle God so goed ken en só ’n persoonlike intieme verhouding met Hom het dat hulle Hom aan ander kan uitbeeld, doen dit doelbewus om al die diens en verering van God, na hulleself te laat kom.


Kyk hoe verdraai die “kunskeners” die waarheid van God:



wat ons leer ken uit die skildery deurdat 'n "kunskenner"

'n beeld van God voorhou wat anders is as die skildery (die skepping). **Ons aandag is op die "kunskenner"** en sy uitbeelding van God.

Ons kan dit ook met die twee-boeke-beeld (uit die vorige les) verduidelik:



Die kunskenner (of intieme-verhouding-"Gods"-kenners) wil nie hê mense moet na God se twee boeke (die skeppingboek en die Bybelboek) kyk en Hom daarin geniet en waardeer nie. Hulle wil hê mense moet al daardie aandag aan hulle gee terwyl hulle 'n prentjie van die skilder maak uit hulle persoonlike ervarings en verhoudings met hom.

Maar wat doen hulle in werklikheid?

Deur 'n prentjie van die skilder te maak – word al die aandag van sy werk afgetrek en kry die mense wat van hom 'n prentjie voorhou uit hulle sogenaamde persoonlike verhouding met hom, al die aandag wat hom toekom.

2. Sondaars se uitbeeldings van God pas by hulle verdraaide opvatting

Kom ons kry hierdie punte bymekaar:

1. Sondaars maak altyd van God 'n uitbeelding.
2. 'n Uitbeelding van God is altyd 'n verdraaiing om 'n mens die eer en bewondering te laat kry wat God moes kry.



3. Sondaars wil graag God draai om by hulle verdraaide opvatting te pas.
4. As God pas by ons verdraaide opvatting, dan kan mense maklik glo dat ons sonde goed en reg is.

Hoe draai mense wat homoseksueel wil leef, God om sodat hulle kan glo hulle sonde is goed en reg?

Hulle **gee voor** dat hulle Hom baie persoonlik ken en 'n intiem persoonlike verhouding met Hom het. Hulle sal praat van hulle “baie goeie verhouding met die Here” en “hoe naby hulle aan Hom leef”. Omdat hulle só naby aan die Here leef, sal hulle sê dat God heeltemal anders is as wat ons glo. Hy is 'n God van liefde. Hy aanvaar hulle “andersheid”. Hy het hulle so gemaak. Daarom hulle kan nie help wat hulle is nie. **Omdat God hulle so gemaak het, moet ander mense hulle sonde as reg aanvaar.** As jy sê homoseksualiteit is **verkeerd**, dan ***is jy liefdeloos en is jy verkeerd*** – want God aanvaar hulle net soos hulle is, en Hy is die God van liefde.

So word sonde verdraai om reg te wees, en wat reg is, om verkeerd te wees: Om God uit te beeld deur 'n persoonlike en intieme verhouding – net soos “kunskeners” 'n skilder voorhou aan mense wat eintlik na sy skilderye moes kyk.

Kom ons stel dit skematies so voor:



3. Alle sondes word met verdraaide opvattinge gedoen

Dit is nie net mense wat homoseksueel wil wees wat op hierdie manier sonde doen nie. Alle sondes word op hierdie manier gedoen. Dit word voorgehou as goed en reg deur die persoonlike en intieme verhouding wat ons met God sou hê, waarin ons Hom anders voorhou en ervaar as wat Hy is. Daarom sien ons nooit ons eie verkeerdheid raak nie. Vir ons is dit reg – want ons leef ons sondes as verdraaide opvattinge. (Romeine 1:28 -32)

Toets maar! Hoeveel van die sondes wat ons doen, dink ons is regtig verkeerd en sleg?

4. Oefening

Lees Exodus 32:1-8 en kyk of jy sien wat die “kunskenner” Aäron doen sodat sondaars nie na die Here se Tien Gebooie hoef te luister nie.